

სსიპ - დავით აღმაშენებლის სახელობის საქართველოს ეროვნული თავდაცვის აკადემია



თავდაცვა და უსაფრთხოება

აკადემიური უმაღლესი საგანმანათლებლო
პროგრამების აღწერილობა
(კატალოგი)
2018



სსიპ - დავით აღმაშენებლის სახელობის
საქართველოს ეროვნული თავდაცვის
აკადემია

სსიპ დავით აღმაშენებლის სახელობის საქართველოს
ეროვნული თავდაცვის აკადემია (შემდგომში აკადემია)
არის სასწავლო უნივერსიტეტის სტატუსის მქონე
სამხედრო უმაღლესი საგანმანათლებლო
დანესებულება.

აკადემიის ხელმძღვანელობა



რეგულატორი
კოორდინირი ზაზა ზაფარაძე



რეგულატორის მოადგილე
კოორდინირი მამია ბალახაძე



რეგულატორის მოადგილე
რამაზ კვარაცხელია



ადმინისტრაციის უფროსი
ვიცე-კოორდინირი
კონსტანტინე კუდრიანოვი



ხარისხის უზრუნველყოფის
სამსახურის მ.შ.
მარიამ დარბაიძე



ბაკალავრიატის ხელმძღვანელი
ვიცე-კოორდინირი
გიორგი მუხომელიანი



ბათალიონის მეთაურის მ.შ.
მაიორი გიორგი შოთაშვილი

აკადემია განთავსებულია ქ. გორში, კეთილმოწყობილ და თანამედროვე სტანდარტებით აგებულ ბაზაზე, სადაც ყველა პირობაა შექმნილი სწავლის, დასვენების, ფიზიკური წრთობისა და განვითარებისათვის.





აკადემიის მისიას

წარმოადგენს შეიარაღებული ძალების და ქვეყნის ერთგული და ღირსეული სამსახურისთვის უმაღლესი აკადემიური და სამხედრო განათლების, მაღალი ეთიკის, მტკიცე მორალის და ლიდერის თვისებების მქონე ოფიცერთა კორპუსის მომზადება.





საგანმანათლებლო პროგრამები:

საბაკალავრო საგანმანათლებლო პროგრამები

- მენეჯმენტი
- ინფორმატიკა
- თავდაცვა და უსაფრთხოება

სამაგისტრო საგანმანათლებლო პროგრამა

- თავდაცვის ანალიზი

ქართულ ენაში მომზადების საგანმანათლებლო პროგრამა



აკადემიაში მოქმედი იუნკარის ცოდნის შეფასების სისტემა

საგანმანათლებლო პროგრამებზე იუნკერთა ცოდნის შეფასება ხდება საქართველოს განათლებისა და მეცნიერების მინისტრის 2007 წლის 5 იანვრის N3 ბრძანების „უმაღლესი საგანმანათლებლო პროგრამების კრედიტებით გაანგარიშების წესის“ და საქართველოს თავდაცვის მინისტრის 2014 წლის 8 სექტემბრის #1259 ბრძანებით დამტკიცებული „საქართველოს თავდაცვის სამინისტროს სამხედრო უმაღლეს საგანმანათლებლო და სამხედრო სასწავლო დაწესებულებებში გამოცდების ჩატარებისა და შეფასების ინსტრუქციის“ შესაბამისად.

იუნკერთა დატვირთვა მოიცავს: ლექციაზე დასწრებას, სამუშაო ჯგუფში მუშაობას, პრაქტიკულ ან ლაბორატორიულ მეცადინეობას; დამოუკიდებელ მეცადინეობას; საველე გასვლებს; გამოცდების მომზადება-ჩაბარებას; სასწავლო-სამეცნიერო ნაშრომზე (საკურსო ნაშრომი, მოხსენება კონფერენციაზე, სამეცნიერო წერილი, საპატენტო განაცხადი, სადიპლომო, საბაკალავრო, სამაგისტრო) მუშაობას; სასწავლო-სამეცნიერო ნაშრომის დაცვას და გამოსაქვეყნებლად მომზადებას; სხვა სახის საქმიანობას საგანმანათლებლო პროგრამის სპეციფიკის გათვალისწინებით.



კრედიტის მიღება შესაძლებელია მხოლოდ იუნკერის მიერ სილაბუსით დაგეგმილი სწავლის შედეგების მიღწევის შემდეგ, რაც გამოიხატება შეფასების სისტემით გათვალისწინებული ერთ-ერთი დადებითი შეფასებით.

შეფასების სისტემა უშვებს:

ხუთი სახის დადებით შეფასებას:

- (A) ფრიადი – შეფასების 91-100 ქულა;
- (B) ძალიან კარგი – მაქსიმალური შეფასების 81-90 ქულა;
- (C) კარგი – მაქსიმალური შეფასების 71-80 ქულა;
- (D) დამაკმაყოფილებელი – მაქსიმალური შეფასების 61-70 ქულა;
- (E) საკმარისი – მაქსიმალური შეფასების 51-60 ქულა.

ორი სახის უარყოფით შეფასებას:

(FX) ვერ ჩააბარა – მაქსიმალური შეფასების 41-50 ქულა, რაც ნიშნავს, რომ სტუდენტს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება შედეგების გამოცხადებიდან 5 დღეში;

(F) ჩაიჭრა – მაქსიმალური შეფასების 40 ქულა და ნაკლები, რაც ნიშნავს, ჩაიჭრა. იუნკერის სტატუსის შეწყვეტის საკითხს განიხილავს აკადემიური საბჭო.

იუნკერთა ცოდნის შეფასება ხდება 100-ქულიანი სისტემით.

საბოლოო (შემატამებელი) შეფასება მოიცავს შუალედურ და დასკვნით შეფასებებს შეფასების თითოეულ ფორმასა და კომპონენტს შეფასების საერთო ქულიდან (100 ქულა) განსაზღვრული აქვს ხვედრითი წილი. დასკვნითი გამოცდა სავალდებულოა. დასკვნით გამოცდაზე გასვლის უფლება ეძლევა იუნკერს, რომელსაც შუალედური შეფასებებისა და დასკვნითი გამოცდის მაქსიმალური ქულის გათვალისწინებით უგროვდება 51 ქულა.

შუალედური შეფასების და გამოცდის მინიმალური კომპეტენციის ზღვარის ხვედრითი წილი განსაზღვრულია 30%-ით, დასკვნითი შეფასების მინიმალური კომპეტენციის ზღვარის ხვედრითი წილი განსაზღვრულია 40%-ით.

სამაგისტრო პროგრამების სასწავლო კომპონენტებში შუალედური და დასკვნითი შეფასებებისა და შეფასების კომპონენტების მინიმალური კომპეტენციის ზღვრის ხვედრითი წილია 51%. სამაგისტრო ნაშრომის შეფასების მინიმალური კომპეტენციის ზღვარია 45%.

კონკრეტული სასწავლო კურსის სპეციფიკიდან გამომდინარე, სასწავლო კურსის ხელმძღვანელი უფლებამოსილია სასწავლო კურსის სილაბუსში დაადგინოს მოცემული წესისაგან განსხვავებული მინიმალური კომპეტენციის ხვედრითი წილი. დასკვნითი შეფასების მინიმალური კომპეტენციის ზღვრის ხვედრითი წილი არ უნდა აღემატებოდეს დასკვნითი შეფასების 60%-ს.

იუნკერთა ცოდნის შეფასების ფორმები, მეთოდები, კომპონენტები და კრიტერიუმები განვირგნოთ ცალკეული სასწავლო კურსების სილაბუსებში.



1. ენობრივი კომპეტენციის დონის დადგენას ექვემდებარება აკადემიის საბაკალავრო პროგრამებზე ჩარიცხული ყველა იუნკერი;

2. ენობრივი კომპეტენციის დონის დადგენის მიზნით აკადემიაში ტარდება შესაბამისი გამოცდა;

3. ენობრივი კომპეტენციის დონე განისაზღვრება საგამოცდო საკითხების ფორმატის, მასში მოცემული შეფასების კრიტერიუმებისა და მინიმალური კომპეტენციის ზღვრის საფუძველზე;

4. საგამოცდო მასალის (ტესტის) შერჩევას/მომზადებას უზრუნველყოფს ბაკალავრიატის ენობრივი მომზადების განყოფილება;

5. გამოცდის ორგანიზებას უზრუნველყოფს ბაკალავრიატი და სასწავლო სამსახური;

6. იუნკერები, რომლებიც არ ფლობენ ინგლისურ ენას ვალდებულნი არიან გაიარონ აკადემიის საგანმანათლებლო პროგრამებით გათვალისწინებული ინგლისური ენის ყველა სასწავლო კურსი;

7. იუნკერთა ენობრივი კომპეტენციის დადგენის შედეგად განისაზღვრება 5 დონე: Starter, A1, A2, B1, B2, ხოლო ყალიბდება 4 დონის ჯგუფი: Starter, A1, A2, B1;

8. იუნკერები, რომელთა ინგლისური ენის ცოდნის დონეა B2, დაშვებულ იქნებიან STANAG -ის ტესტის ჩასაბარებლად. მათ, ვისი ინგლისური ენის ცოდნის დონე იქნება STANAG 2 (ორ უნარში 2 და ორ უნარში 1+), შესაძლებლობა აქვთ შეისწავლონ მეორე უცხო ენა (გერმანული ან ფრანგული); და STANAG-ის მოქმედების ვადით, 2 წლით, თავისუფლდებიან STANAG -ის ტესტის ჩაბარების ვალდებულებისგან.

9. საბაკალავრო პროგრამის იუნკერები, რომლებიც აკადემიაში ჩაირიცხნენ სხვა უცხო ენის ცოდნით, სავალდებულოდ ექვემდებარებიან ინგლისურ ენაში კონსულტაციებს;

10. იუნკერებს, რომლებსაც მიმდინარე შეფასებაში ექნებათ დაბალი შეფასება (60% - ზე ნაკლები) სავალდებულო კონსულტაციები ჩაუტარდებათ კვირაში 2-ჯერ;

11. II და IV კურსის ბოლოს დასკვნით გამოცდამდე იუნკერებს ჩაუტარდებათ სავალდებულო STANAG - ის ტესტი. ტესტირების ჩატარებას და იუნკერების შეფასებას უზრუნველყოფს საქართველოს შეიარაღებული ძალების წვრთნებისა და განათლების სარდლობის ინგლისური ენის ტესტირებისა და შეფასების ჯგუფი.

ინგლისური ენის ცოდნის მინიმალური მოთხოვნა განსაზღვრულია შემდეგნაირად (ძალაში შევიდეს 2019 წლის პირველი იანვრიდან)

ა) II კურსი STANAG 1 (ოთხივე უნარში შეფასება - 1)

ბ) IV კურსი STANAG 2; (ორ უნარში-შეფასება 2; ორ უნარში შეფასება 1+)

STANAG - ის მინიმალური მოთხოვნის დაკმაყოფილება შესაბამისი კურსისთვის ენის თითოეულ კომპეტენციაში წარმოადგენს III და IV კურსზე უცხოური ენის სასწავლო კურსის დასკვნით გამოცდაზე დაშვების წინაპირობას.

12. STANAG - ის სავალდებულო ტესტის (მინიმალური მოთხოვნა შესაბამისი კურსისთვის, ენის თითოეულ კომპეტენციაში) ჩაუბარებლობის შემთხვევაში, იუნკერს შესაძლებლობა ეძლევა, გამოიყენოს ერთჯერადად გადაბარების უფლება.

ერთ უნარში მინიმალური მოთხოვნის დაუკმაყოფილებლობის შემთხვევაში გადაბარება შესაძლებელია 3 თვის შემდეგ; ორ უნარში მინიმალური მოთხოვნის დაუკმაყოფილებლობის შემთხვევაში - ტესტის ჩაბარებიდან 6 თვის შემდეგ.

13. იუნკერები, რომლებმაც ვერ ჩააბარეს II კურსის მინიმალური მოთხოვნა STANAG-ის გამოცდაში, სავალდებულოდ ექვემდებარებიან ინგლისურ ენაში კონსულტაციებს;

14. იმ შემთხვევაში, თუ იუნკერი ვერ ჩააბარებს II კურსისთვის განსაზღვრულ მინიმალურ მოთხოვნას ენის ცოდნაში (STANAG 1 (ოთხივე უნარში-შეფასება 1)), შესაძლებლობა ეძლევა III კურსის კენტი სემესტრის დასკვნით გამოცდებამდე გადააბაროს იგი. თუ იუნკერი ვერ გადააბარებს STANAG - ის შესაბამის ტესტს (მინიმალური მოთხოვნა შესაბამისი კურსისთვის, ენის თითოეულ კომპეტენციაში), უწყდება იუნკერის სტატუსი. (ძალაში შევიდეს 2019 წლის პირველი იანვრიდან)

15. იმ შემთხვევაში, თუ IV კურსის იუნკერი ვერ ჩააბარებს IV კურსისთვის განსაზღვრულ მინიმალურ მოთხოვნას ენის ცოდნაში (STANAG 2; (ორ უნარში -შეფასება 2; ორ უნარში შეფასება 1+)), შესაძლებლობა აქვს შეიჩეროს იუნკერის სტატუსი (მუხლი 9,3) და გამოიყენოს გადაბარების უფლება. იმ შემთხვევაში, თუ არაუგვიანეს შემდეგი წლის ლუწი სემესტრის დაწყებამდე იუნკერი ვერ გადააბარებს STANAG - ის შესაბამის ტესტს (მინიმალური მოთხოვნა შესაბამისი კურსისთვის ენის თითოეულ კომპეტენციაში), უწყდება იუნკერის სტატუსი. (ძალაში შევიდეს 2019 წლის პირველი იანვრიდან)



პროგრამის სახელწოდება: თავდაცვა და უსაფრთხოება

პროგრამის ხელმძღვანელი: პროფესორი ლაშა მარკოზაშვილი

კრედიტების მოცულობა: 253

მისანიჭებელი აკადემიური ხარისხი/კვალიფიკაცია (ქართულად და ინგლისურად): თავდაცვისა და უსაფრთხოების ბაკალავრი - Bachelor of Defense and Security

საგანმანათლებლო პროგრამაზე ჩარიცხვის წინაპირობა:



აკადემიის საბაკალავრო საგანმანათლებლო პროგრამებზე ჩასარიცხად კონკურსში მონაწილეობის უფლება აქვთ აბიტურიენტებს, რომლებიც დარეგისტრირდნენ მიმდინარე წლის ერთიანი ეროვნული გამოცდებისათვის, რეგისტრაციისას აირჩიეს აკადემიის საგანმანათლებლო პროგრამა/პროგრამები და რომლებსაც მიმდინარე წელს არ უსრულდებათ 24 და მეტი წელი;

საბაკალავრო საგანმანათლებლო პროგრამაზე მიღების წინაპირობაა: ერთიან ეროვნულ გამოცდებზე ქართული ენის, ზოგადი უნარების, უცხო ენის და მათემატიკის ჩაბარების შედეგები და ეროვნული თავდაცვის აკადემიის შიდა წესის შესაბამისად შესარჩევი ტურის გავლა (სამედიცინო შემოწმება, ფიზიკური ნორმატივების ჩაბარება და გასაუბრება). აბიტურიენტს ე.თ.ა.-ს იუნკერის სტატუსის მოპოვება შეუძლია აგრეთვე ერთიანი ეროვნული გამოცდების ჩაბარების გარეშე საქართველოს კანონმდებლობით დადგენილი წესით.

ამასთან, საგანმანათლებლო პროგრამებზე სწავლის დაწყებამდე აბიტურიენტები გადიან საწყისი საბრძოლო მომზადების კურსს (BCT).

პროგრამის მიზნები:

თავდაცვის და უსაფრთხოების საბაკალავრო პროგრამის ძირითადი მიზნებია:

- კომპლექსური ცოდნის მიღება პოლიტიკური, ეკონომიკური, სოციალური და სამართლებრივი პროცესების შესახებ გლობალურ და ეროვნულ დონეზე;
- საგარეო პოლიტიკის და ეკონომიკის სფეროებში უსაფრთხოების ზოგადი თეორიული და პრაქტიკული ცოდნის შეძენა, თავდაცვისა და უსაფრთხოების საკითხებში თანამედროვე გამოწვევების შესაბამისად;

- რაოდენობრივი და თვისებრივი კვლევების საბაზისო უნარების განვითარება პრაქტიკაში გამოყენებისთვის.

აგრეთვე, საგანმანათლებლო პროგრამის მიზანია, კურსდამთავრებულებმა დააკმაყოფილონ საქართველოს თავდაცვის სამინისტროს მოთხოვნები, დასაქმდნენ საქართველოს შეიარაღებულ ძალებში ან/და სამოქალაქო სექტორში, შეძლონ სწავლის გაგრძელება, როგორც საქართველოს, ისე უცხოეთის უმაღლეს საგანმანათლებლო დაწესებულებებში სამაგისტრო პროგრამებზე. იყვნენ კონკურენტუნარიანი ადგილობრივ და საერთაშორისო შრომის ბაზარზე. შეძლონ წარმატებული კარიერული წინსვლა და თავისი შესაძლებლობების რეალიზება, როგორც პროფესიულ საქმიანობაში, ისე საზოგადოებრივ ცხოვრებაში.

სწავლის შედეგები:

საგანმანათლებლო პროგრამის კურსდამთავრებულს აქვს შემდეგი ზოგადი (ტრანსფერული) და დარგობრივი კომპეტენციები:

ცოდნა და ბაზნობიერება

კურსდამთავრებულს აქვს:

- თავდაცვისა და უსაფრთხოების სფეროს ფართო ცოდნა, რომელიც მოიცავს თეორიებისა და პრინციპების კრიტიკულ გააზრებას და სფეროს კომპლექსური საკითხების გაცნობიერებას;
- საერთაშორისო ურთიერთობების ძირითადი ცნებების და თეორიების, საერთაშორისო პოლიტიკის ფაქტორების, მექანიზმებისა და ინსტიტუტების შესახებ ზოგადი თეორიული და პრაქტიკული ცოდნა;
- საერთაშორისო უსაფრთხოების არსებული მიდგომების და თანამედროვეობის გამოწვევების ცოდნა.

კურსდამთავრებულმა იცის:

- ოცეულის საერთო საჯარისო ტაქტიკის საფუძვლები;
- ოცეულის თავდასხმითი და თავდაცვითი ოპერაციების საფუძვლები;
- საპატრულო ოპერაციების შესრულების საფუძვლები;
- ოპერაციების დაგეგმვა, საერთო საჯარისო ქვედანაყოფებისა და ელემენტების ინტეგრირებით, შეიარაღებული კონფლიქტების სამართლის ნორმებისა და საქართველოს კონსტიტუციის ფარგლებში;
- სამხედრო სამართლის კანონები;
- ქვედანაყოფის მართვის პროცედურები;
- ადმინისტრაციულ დოკუმენტებთან მუშაობისა და კოლექტიური დავალებების შესრულების წესები
- სახმელეთო ნავიგაციის შესრულება დღის და ღამის პირობებში.
- ოცეულის ცეცხლსასროლი იარაღის დანიშნულება, ტაქტიკურ-ტექნიკური მახასიათებლები;
- ქვეითი ოცეულის ცეცხლსასროლი იარაღის ექსპლუატაციისა და მოვლის წესები.

კურსდამთავრებულს შეუძლია:

- საგარეო და საშინაო პოლიტიკური მოვლენების, არსებული საფრთხეების შეფასება და პრევენციის ღონისძიებათა დაგეგმვა და განხორციელება;
- სხვადასხვა ქვევითი სტრატეგიების პრაქტიკაში გამოყენება, კონფლიქტური სიტუაციების პრევენციისა და კონფლიქტების მშვიდობიანი გზით გადაჭრის მიზნით;
- კვლევითი ან პრაქტიკული ხასიათის პროექტის განხორციელება წინასწარ განსაზღვრული მითითებების შესაბამისად.
- დაკისრებული დავალების შესრულების მიზნით, დაქვემდებარებულთა გაძღოლა/ლიდერობა;
- ფუნდამენტალური სამხედრო უნარ-ჩვევებისა და ზოგადი სამხედრო თეორიის დემონსტრირება;
- ოპერაციების განხორციელება შეიარაღებული კონფლიქტების სამართლის კანონების გათვალისწინებით;
- ოცეულის თავდასხმითი და თავდაცვითი ოპერაციების დაგეგმვა და შესრულება გარემოს ნებისმიერ პირობებში;
- ლოჯისტიკური უზრუნველყოფის, საარტილერიო ცეცხლის გამოძახებისა და ჯავშანტექნიკის გამოყენება ოცეულის მეთაურის კომპეტენციის ფარგლებში;
- ოცეულის ოპერატიული ბრძანებების შემუშავება, გაცემა და აღსრულება;
- ოცეულის ზომის ქვედანაყოფის სამართლებრივი და ტაქტიკურ-ტექნიკური მართვა, მშვიდობიანობისა და ომიანობის პერიოდში ბრძოლების მოკლე ანალიზის გაკეთება;
- ანტიკორუფციული პრინციპების დაცვა;
- გენდერული პრინციპების დაცვა.
- სახმელეთო ნავიგაციის შესრულება დღის და ღამის პირობებში
- სასროლი იარაღითა და ყუმბარსატყორცნებით სროლის კურსის მოთხოვნების შესრულება უსაფრთხოების წესების დაცვით და ქვევითი ოცეულის ცეცხლსასროლი იარაღების საბრძოლო გამოყენება;
- ოცეულის ცეცხლსასროლი იარაღის ნორმალურ მოხვედრე-ბამდე მიყვანა, ტექნიკური მომსახურება, გაუმართაობის აღმოფხვრა.

კურსდამთავრებულს შეუძლია:

- მსოფლიოს და ეროვნულ დონეზე თავდაცვისა და უსაფრთხოების სფეროში მიმდინარე პროცესების შესახებ ანგარიშების შედგენა და დასაბუთებული დასკვნების ჩამოყალიბება;
- საერთაშორისო და რეგიონალური კონფლიქტების წარმოშობის მიზეზების გაანალიზება და შეფასება პოლიტიკურ და კულტურულ ჭრილში;
- რაოდენობრივი და თვისებრივი კვლევის საბაზისო დიზაინის შედგენა
- მასზე დაკისრებული ამოცანის ანალიზი, ხელთ არსებული შესაძლებლობებისა და ვითარებიდან გამომდინარე დასაბუთებული დასკვნის გაკეთება და გადაწყვეტილების მიღება ოცეულის მეთაურის კომპეტენციის ფარგლებში.
- შესწავლილი საკითხების ცოდნისა და გაცნობიერების შედეგად, სიტუაციების ანალიზი, დასაბუთებული დასკვნის ჩამოყალიბება და გადაწყვეტილების მიღება;

კომუნიკაციის უნარი

კურსდამთავრებულს შეუძლია:

- საკუთარი გადაწყვეტილებების ფორმულირება ქართულ და ინგლისურ/ენებზე, დამკვიდრებული ტერმინოლოგიისა და ლექსიკური კონსტრუქციების გამოყენებით. მათი ზეპირი და წერილობითი გადაცემა;
- საქმიანი ურთიერთობების წარმოება საინფორმაციო-საკომუნიკაციო ტექნოლოგიების გამოყენებით;
- ამომწურავი წერილობითი ანგარიშის მომზადება პროფესიული საქმიანობის შედეგების აღწერით;
- გუნდური მუშაობა და წევრებს შორის კომუნიკაცია;
- ინგლისურ ენაზე კომუნიკაცია STANAG 6001 დონე 2-ზე.
- საკუთარი გადაწყვეტილებების ფორმულირება პროფესიულ სფეროში დამკვიდრებული ტერმინოლოგიის და ლექსიკური კონსტრუქციების გამოყენებით, მათი ადექვატური, ზეპირი, თუ წერილობითი გადაცემა როგორც ზემდგომებისთვის, ისე დაქვემდებარებულებისთვის;
- მიღებული ცოდნის გამოყენება ჯგუფური მუშაობისთვის
- ქვედანაყოფის მართვის პროცედურების შესრულების შედეგად ოპერატიული ბრძანების გამოცემისას სათანადო კომუნიკაციის დამყარება;

სწავლის უნარი

კურსდამთავრებულებს შეეძლებათ:

- საკუთარი და ზოგადად, სწავლის პროცესის თანმიმდევრულად, მრავალმხრივად შეფასება და შემდგომი სწავლის საჭიროების დადგენა;
- მიღებული ცოდნის საფუძველზე სწავლის გაგრძელება უმაღლესი განათლების მომდევნო საფეხურზე.
- ცოდნის გაღრმავების მიზნით იმ ძირითადი საკითხების, უნარებისა და მიმართულებების განსაზღვრა, რაც საშუალებას მისცემს ეფექტურად მართოს ოცეულის ზომის ქვედანაყოფი;
- საკუთარი ქვედანაყოფის მოთხოვნებიდან გამომდინარე მის მიმართ წაყენებული მოთხოვნების თანმიმდევრული და მრავალმხრივად შეფასება და თვითგანვითარების დაგეგმვა;



ღირებულებები

კურსდამთავრებულს შეუძლია:

- პროფესიული საქმიანობის წარმართვა პიროვნული ღირებულებებისა და სახელმწიფოებრივი ინტერესების დაცვით;
- ზოგადსაკაცობრიო ღირებულებების გააზრება; განსხვავებული კულტურული და რელიგიური ღირებულებების პატივისცემა; ახალი, გლობალიზაციის ეპოქისათვის დამახასიათებელი ღირებულებების ფორმირების პროცესში მონაწილეობა და მათ დასამკვიდრებლად სწრაფვა.
- სამხედრო თავაზიანობისა და სუბორდინაციის ნორმების დამკვიდრება;
- სამხედრო დისციპლინით განსაზღვრული წესებისადმი პატივისცემა, როგორც სახელმწიფო ძლიერების საფუძველი; მაღალი თვითშეგნება, როგორც საქართველოს შეიარაღებული ძალების ოფიცრისა, ნებისმიერ გარემო პირობებში ემსახუროს სამშობლოს.


კურსდამთავრებულები დასაქმდებიან საქართველოს შეიარაღებული ძალების საბრძოლო ქვედანაყოფებსა და უზრუნველყოფის სამსახურებში, საქართველოს თავდაცვის სამინისტროში, თავდაცვის, უსაფრთხოების და სამხედრო პროფილის სხვა ორგანიზაციებსა და დაწესებულებებში.

გარდა ამისა, კურსდამთავრებულებს შეეძლება დასაქმდნენ სამოქალაქო სექტორში, კერძოდ:

სამთავრობო და არასამთავრობო სექტორის ანალიტიკურ განყოფილებებში;

სახელმწიფო და კერძო დაწესებულებებში, ინფორმაციული უსაფრთხოების ინციდენტებზე რეაგირების ჯგუფების (CERT) ფარგლებში;

სახელმწიფო ან კერძო ორგანიზაციის ინფორმაციული უსაფრთხოების ოფიცრის ან/და ინფორმაციული ტექნოლოგიების უსაფრთხოების ოფიცრის (ISO/ITSO) პოზიციაზე;



სწავლის გაგრძელების საშუალება

სწავლის გაგრძელება შესაძლებელია მაგისტრატურაში, თავდაცვის აკადემიის საკარიერო სკოლებში, სამხედრო პროფესიული განვითარების კურსებზე, როგორც საქართველოში, ისე – საზღვარგარეთ.

საკონტაქტო ინფორმაცია

ტელეფონები:

(+995) 577 39 01 94; (+995 032) 2 30 52 85

ელ-ფოსტა:


nda@mod.gov.ge

ვებგვერდი:

www.eta.edu.ge

Facebook: <https://www.facebook.com/eta.edu.ge>

Youtube: <http://www.youtube.com/c/ETAGeorgia>



**ეროვნული თავდაცვის აკადემია
2018**

საკონტაქტო ინფორმაცია

ტელეფონები:

(+995) 577 39 01 94; (+995 032) 2 30 52 85

ელ-ფოსტა:


nda@mod.gov.ge

ვებგვერდი:

www.eta.edu.ge

Facebook: <https://www.facebook.com/eta.edu.ge>

Youtube: <http://www.youtube.com/c/ETAGeorgia>



გერმანიის თანხმების აქტები
2018